

# Powšitkowne WOZJEWJENJA

njedźelu, 5. julija 2020

## Gig-Festival@home

Lubi młodostni, přez YouTube poskići so njedźelu, 12. julija, wot 19 do 21 hodź. live-stream Gig-festiwalu. Tutón njemóže so koronoweje krizy dla w dotal znatej formje wotměć. Nikoho pak njeměło wottrašić, Boha zhromadnje chwalić a zhromadnosć hajić, byrnjež njesměš so tuchwilu we wulkich skupinach zetkawać. Móžna pak je tak mjenowana watchparty. K tomu móhli so w mjeńšich skupinkach zetkać a Gig-festiwal zhromadnje w livestreamje scěhować – cyle po Jězusowym wuprajenju: „Hdžež su dwaj abo tři w mojim mjenje zhromadzeni, tam sym ja mjez nimi.“ To budže we Worklečanskim Don Boskowym domje a na Kulowskej Bosčanowej žurli móžno. Wobmjezowanych městnow dla měli so zajimcy přez link na stronje [www.posol.de](http://www.posol.de) přizjewić. Njeh sej na tutón wječor kóždy swój najlubši napoj a něšto ke chłóšćenju sobu přinjese. Jeli něchtó priwatnje watchparty přewjedže a by hišće kapacity za sobuhladarjow měł, njeh so z mailku pod [don.boskowy-dom@t-online.de](mailto:don.boskowy-dom@t-online.de) přizjewi.

*Alena Šotćic*

## Putnikowanje do Krupki

Putnikowanje do Krupki budže wot njedźele do pjatka, 9. do 14. awgusta. Duchowny přewod změje farar Tomaš Dawidowski. Přenocowanje a kemše w Krupce stej móžnej. Zajimcy měli so hač do pjatka, 17. julija, w Chróscicach do lisciny zapisać, kotraž leži we wěži při zachodže do cyrkwy. Zhromadźizna putnikow, kiž je za wšitkich zawjazowaca, budže njedźelu, 19. julija, w Chróscicach. Wona započnje so z nysporom w 14.00 hodź.

## Z busom do Krupki kemši

Na putniku Božu mšu srjedu, 12. awgusta, w 10 hodź. w Krupce pojedže zaso bus. Štóz chcył sobu jěć, měł so najpozdzišo hač do pjatka, 31. julija, w Šmitec wozydłowni-  
stwe w Radworju přizjewić, telefonowe čisło (03 59 35) 28 60.

## Prózdnińska zabawa za džěci wyšich lětnikow

Pod hesłom „Prózdnińny, pućowanje, Boža stwórba, dyrdomdej“ přeprašuje Dekanatne dušepastyrstwo za džěci šulerki a šulerjow 5. do 8. lětnika na prózdnińsku zabawu do Lückendorfa w Žitawskich horinach, kotraž wotměje so wot pónđzele do štwórtka, 17. do 20. awgusta. Swójski přinošk na wobdźělnika wučinja 80 eurow. Přizjewjenja přijimuju so hač do pjatka, 17. julija, telefonisce pod čisłom (03 57 96) 8 87 07 abo z mailku pod [worklecy-kise@gmx.de](mailto:worklecy-kise@gmx.de).

## Změna kemšacych časow w Róžeńće

Wot tuteje njedźele, 5. julija, hač do kónca septembra płaći w Róžeńće zaso lětni porjad Božich službow. Njedźelu je tam Boža mša jeničce w 10.30 hodź. w serbskej reči.

## **Do „Božeje zahrody“ pojedźemy**

Putniska jězba wot štwórtka do póndźele, 30. julija do 3. awgusta, do tak mjenowaneje „Božeje zahrody“ so na kóždy pad přewjedže. Wopytamy na přikład baziliku Vierzehneiligen, Bamberg a Bad Staffelstein. Předpisow korony dla pak budže program tróšku změneny. Zajimcy móža so hišće pola Šmitec wozydłownistwa w Radworju přizjewić, telefonowe čisło (03 59 35) 28 60.

*T. Kubašec*

## **Putnikowanje z biskopom do Kevelaera**

Pod hesłom „Sym tam, hdžež sy ty!“ přepróšuje Drježdźansko-Mišnjanske biskopstwo na putnikowanje do Münsterskeho biskopstwa. Duchowny nawod změje wottam pochadźacy biskop Heinrich Timmerevers. Cil busoweje jězby wot štwórtka hač do njedźele, 27. do 30. awgusta, je marijanske putniske městno Kevelaer. Zajimcy njech so přizjewja pola ATeams-Reiseservice w Budyšinje na Seminarskej 2, telefonowe čisło (0 35 91) 53 18 53 abo z mailku pod bautzen@ateams.de.

## **Serbskorěčne zbožopřejne karty**

Budyska Serbska kulturna informacija na Póstowym naměsće poskičuje mjez druhim serbskorěčne zbožopřejne karty – ke křćeńcy, k přenjemu swjatemu woprawjenju, firmowanju, wěrowanju kaž tež k narodninam abo šulskemu zachodej. Tež žarowanske karty tam maja.